

Garcia Vargas: «Terroristen alde daudenak prozesatu beharra dago»

Madrileko atentatuan hildakoen hileta elizkizunak izan ziren atzo

Madrileko atentatuan hildako bost pertsonen hileta elizkizunen ostean egindako adierazpenetan, Julian Garcia Vargas Espainiako Defentsa ministroak adierazi zuen Estatuko fiskal nagusiak helburu izan behar duela «terroristak lagundu eta justifikatzen dituztenak eta mehatxatzen gaituztenak behingoz prozesa ditzaten».

BILBO

Espainiako Armadako Kapitania Nagusia zihozela bonba-auto batez hil zituzten hiru kapitain, soldadu bat eta postako funtzionari zibil baten hileta elizkizunak Armadako Koartel Nagusian egin ziren atzo, hildakoen familia eta agintari militar eta zibilen partehartzearekin.

Hileta elizkizunen ostean Garcia Vargasek adierazi zuen Estatuko fiskal nagusiaren ekimenek «terroristei laguntzen dietenek, justifikatzen dituztenek eta mehatxu egiten diguteneke legearen pisua nola egokitzen zaien» ikustaraztea lortu behar dutela, «behingoz prozesatu eta ez dezaten segitu, orain arte bezala, haserrea eta mina eragiten dituen zigorgabetasun osoaz komunikabideetatik ere mehatxatzen».

Jose Manuel Estepa artzapezpiku eta Armadako bikario nagusiak elizkizunetan «Elizatik terrorismoarekiko jarrera epela» erakusten dutenak kritikatu zituen. Gainera, «Jaungoikoari» eskatu zion «ez dezala utz inork bere Elizan nahasmendua zabal dezan».

Garcia Vargas ministroak eskertu egin zuen Estepa Armadako bikarioak erakutsi zuen «argitasuna». «Ezin da zalantzarik erakutsi gai honetan —eritzi zion Garcia Vargasek—, eta ezta horrenbeste nabardura dituen jarrera eduki, espainiarren gehiengo nagusiak ulertzen ez delako eta, Armadako bikario nagusiak esan duen bezala, terroristak lagunduak eta bultzatuak sentiaraz ditzakeelako».

AITA SANTUAREN TELEGRAMA II aita santuaren idazkariak, Angel Suquia Madrileko apezpikuari telegrama bat igorri zion, Bertan, Aita Santuak herenegungo atentatuan hil ziren bost pertsonen senitartekoei «minik sendoena» adierazi eta «ekintza terroristak» gaitzesten ditu.

Rosa Conde Espainiako ministro eledunak «desegokitzat» jo zituen Elizako partaide batzuek biolentziaz egindako adierazpenak, eta laguntza eskatu zien hiritarrei, komunikabideei eta botere judizialei, «hiltzaileekin amaitzeko».

Atzo emaniko prentsurrekoan Gobernu Kontseiluaren bileraren berri eman zuen eta azaldu zuen Es-



Madrileko atentatuan hildakoen hileta Armadako koartel nagusian egin zen atzo.

EFE

✓ Rosa Condek dio Gobernua ez zaiola «txantaiari makurtuko». «Gobernua ez dago bakarrik, euskal eta nazioko indar politiko guztien gizarte osoaren laguntza dauka», gaineratu zuen.

tatuko fiskalari dei egin diotela «hiltzaileak eta babesten dituztenek darrabiltzen zigorgabetasunaren aurka» ekin dezala.

Hala ere, Condek ez zuen izen zehatzik eman nahi izan. «ETAren aurkako borrokan onena lan egin eta isiltzea da», argudiatu zuen. Ildo beretik «Gobernuak ez du txantaiak direla eta etsiko —gaineratu zuen—;

ez dago bakarrik, indar politiko nazional eta euskaldunen laguntza dauka, eta gizarte espainiar osoarena».

Jose Antonio Agiriano Espainiako Gobernuaren EAeko ordezkariak ere gogor gaitzetsi zuen atentatua eta ziurtatu zuen biolentziaren amaiera «biolentoen giro guztietan, babesen, sareen eta abozgailuen aurkako ekintza gogorraz» amaituko dela.

ETA «iaz baino ahalugo» ez dagoela esan du Rafael Verak La Repubblica


EROMA

Rafael Vera Espainiako Estatu Segurtasunerako idazkariak Italiako egunkari bati adierazi zion bere ustez ETA erakunde armatuaren indarra ez dela «iaz zeukana baino txikiagoa», «hainbat militante atxilotuta ere».

«Euskal hiritargoaren sektore batzuetan aurkitzen duen babesak oraindik ere militante eta azpiegitura berriak lortzeko aukera bermatzen dio (ETAri) baina halere ez ditu egoiki prestatzen ekintzak burutzeko», esan zuen Verak atzo 'La Repubblica' egunkariak kaleratutako elkarrizketan.

Madrileko atentatuaren aurretik egindako elkarrizketan, Verak esan zuen Frantziak «garrantzi handia» daukala, ETAk estatu honetan bait dauka «zuzendaritza operatiboa, arma biltegiak eta finantziariozko baseak, hauetatik asko Espainiatik lortzen duen zerga iraultzailetik badiatorio ere».

Veraren esanetan, Frantziak «aurrerapausu oso garrantzitsuak» eman



Rafael Vera.

ditu ETAren aurkako borrokan, badakielako «erradikalismo nazionalista bere arazoa ere badela».

«Suetenak hitz egina da: nik gus-tora onartuko nuke, baina ez dut uste une honetan aukera erreala denik. Terroristek badakite suetenak bakarrik azkena izanda edukiko lukeela

POSTAKO LANGILEEN PROTESTA

Gipuzkoako eta Bizkaiko Postako langileek protesta ekitaldi isilak egin zituzten atzo, Madrilen atentatuan hil zen Antonio Ricote Castillo lankidearen heriotzagatik protestatzeko, sindikatueta iturriek adierazi zuten.

Gipuzkoan CCOO, UGT, CGT eta ELA sindikatuak deituta, Donostiako Postaren egoitza nagusiko eta Irungo eta Tolosako egoitzetako langileek goizeko 9.50etan lanari utzi zitoten eta bost minututako ekitaldi isila egin zuten. Iluntzean Madrilen kontzentrazio handi bat ere burutu zuten.

zentzuna, edota armak behin-etikoz uzteko prest egongo balira», baietsi zuen Estatu Segurtasunerako idazkariak.

Bartzelonako Joko Olinpikoetan ETAk atentaturik ez duela egingo gaineratu zuen Vegak, «bere irudiarri» ez zaiolako komeni eta ia ezinezkoa litzaiokeelako balizko helburrutara ailegatzea.

GARZON: «ATENTATU UGALKETA»

Baltasar Garzon Entzutegi Nazionalako epaileak ziurtatu zuenez ETAk datozen hilabeteetan Sevillan, Madrilen eta Bartzelonan bere iharduera ugaltzeko helburu «argia» dauka. Baiespen hau egiteko Jose Maria Arregi 'Fitipaldiri' ustezko etakideari harrapatu zizkioten agiriak argudiatu zituen. ETAren eta Estatuaren arteko negoziatziorik «sekula ere ez» dela eman behar esan zuen. Entzutegi Nazionalako epailearen ustez, ETA «desagertzera kondenatuta dago», 1974ko zatiketaren pareko egoeran dagoela argudiatuta.

«Arratoi hauek ez dute gure etsai izateko kategoriarik» dio Gonzalo Rodriguezek

DONOSTIA

Defentsaren Estatu Nagusiko buruak, Gonzalo Rodriguez Martin-Granizok ETAkoei buruz dioenez, «arratoi horiek ez dute gure etsai izateko kategoriarik». Buruzagitza militarreko gizon honek herenegun Madrilen izandako atentatuaren ostean egin zituen adierazpenak dira horiek, Estatu Kontseiluko plenora sartzerakoan eta 'ABC' egunkariak jaso zituen atzo.

Estatu Kontseiluko egoitza Madrileko Kapitaniaren ondoan dago eta bertan bildu ziren Estatuko goi kargu ugari Fernando Lázaro Carreter kontseilari izendatzeko egin zen plenoan. Lázaro Carreter Real Academia Españolako lehendakaria da.

Bertan izan ziren baita ere Leopoldo Torres Estatuko fiskal nagusia, Manuel Gutierrez Mellado teniente jenerala, Antonio Hernandez Gil Botere Judizialeko buru izan zena, Fernando de Mateo Lage Entzutegi Nazionalako lehendakari ohia eta aurrekoak bezalaxe atentatua izan zuena.

«Militarrak beti atentatuen zain bagaude ere, biktima gehiago ez egotea espero dugu. Baina azkenean irabazi egingo dugu, arratoi hauek ez dutelako gure etsai izateko kategoriarik» izan ziren bilera honetan Rodriguez Martin-Granizok esandakoak. Estatu Kontseiluan orain dagoen hutsunea Manuel Brosetarena da, ETAk joan den urtarrilean tiroz hil zuena Valencian.

Fernando Ledesma esan zuenez, Justizia epaitegiek Herri Batasunaren ilegalizazioa erabaki dezakete, fiskal nagusiak eskatuta, eta alderdi abertzalearen helburuetan delitua ere badagoela frogatzen bada.

HB ilegalizatze
aukera bilatu behar da Aznarren ustez

GASTEIZ

Jose Maria Aznar Espainiako PPko lehendakariak Francisco Tomas y Valiente Auzitegi Konstituzionalako lehendakariak HB ez ilegalizatze adierazpenak kritikatu zituen atzo. Aznarren ustez hitzok «desegokiak» dira. «Une hauetan are desegokiagoak» gaineratu zuen. Tomas y Valientek une hauetan ez zela HB ilegalizatzea komeni adierazi zuen herenegun.

HB ilegalitatean jartzea «aukera» arazoa da PPko lehendakariaren aburuz, eta nahiz eta azken erabakia epaileek hartu behar duten, ikuspuntu politikotik ETArri min handien egingen zaion unean hartu behar dela esan zuen. Aznarrek esan zuen bera ez dela «horietako ahobero bat» eta ez zaiola gehiegi hitzegitea gustatzen. «Batzutan hitzak soberan daude. Ni —esan zuen— HBkoek atxilotu, epailearen aurrean jarri eta epaitzearen aldekoa naiz». «Uste dut hiltzaileak, euren konplizeak eta HBko zuzendaritzakoek euren erantzukizunean barneratuta hildakoen aurpegi asko dutela» esan zuen Aznarrek.